



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

23 Maiu 2020

Komunikadu Imprensa

Selebrasaun ba Idul Fitri

Governu hatudu felisitasaun no solidariedade ba comunidade musulmana iha Timor-Leste iha selebrasaun ba Idul Fitri, ne'ebé hanesan hakotu período jejún husi Ramadaun.

Ida ne'e momentu festivu ba família musulmana sira la'ós de'it iha ita nia rai maibé mós iha comunidade musulmana sira ne'ebé namkari iha mundu, iha ne'ebé ita hotu hanoin ba importánsia husi família no belun sira, no mós importánsia husi valór sira hanesan unidade no toleránsia, no iha tinan ida ne'e, momentu ne'e akontese iha sirkunstánsia la hanesan tanba pandemia coronavirus foun.

Idul Fitri fó mai ita oportunidade atu hametin lasu amizade no respeito ho povu, kultura no relijiaun sira seluk no mós oportunidade atu halo reflesaun kona ba importánsia husi perdaun no rekonsiliaun hodi fó kontribuisaun ba mundu ne'ebé justu liu no pasifiku liu.

Povu Timor-Leste halibur nafatin tradisaun, kultura no relijiaun oin oin sira ne'ebé sai karaterística husi nasaun no hatudu valór universál sira hanesan perdaun, amizade, toleránsia no dame. **FIM**



Palácio do Governo,
Avenida Presidente Nicolau Lobato,
Dili, Timor-Leste